

Ո Ր Ո Շ ՈՒ Մ N 1459/1
/վարչական տույժ նշանակելու մասին/

«3» դեկտեմբեր 2021թ.

ք. Երևան

Հայաստանի Հանրապետության պետական եկամուտների կոմիտեի Արարատյան մաքսատուն-վարչության պետ Կարեն Բաբայանս, քննելով Գարեգին Սարկիսյանի (անձը հաստ. փաստ.՝ 548287739, բնակվող ք. Երևան Նորք Մարաշ 6/22 4բն) նկատմամբ հարուցված մաքսային կանոնների խախտման վերաբերյալ գործը,

Պ Ա Ր Զ Ե Ց Ի

Գարեգին Սարկիսյանը անձնական օգտագործման 2005թ-ի արտադրության «ԲՄՎ X5» մակնիշի ավտոմեքենան հայտարարագրել է թիվ 05100010/250719/0000451949 մաքսային մուտքի օրդերով՝ ժամանակավոր ներմուծում, որի վերջնաժամկետը սահմանվել է 30.09.2021թ-ը (ԵՏՀԽ 05.04.2021թ-ի թիվ 25 որոշում): Գարեգին Սարկիսյանի կողմից ժամանակավոր ներմուծված 2005թ-ի արտադրության «ԲՄՎ X5» մակնիշի ավտոմեքենան սահմանված ժամկետում Միության մաքսային տարածքից չի արտահանվել, ազատ շրջանառության համար չի բացթողնվել կամ այլ նպատակներով մաքսային հայտարարագրում չի կատարվել, ինչի արդյունքում խախտել է հետադարձ արտահանման պարտավորությունը:

Դեպքի առթիվ ՀՀ ՊԵԿ Արարատյան մաքսատուն-վարչության ԳՀՀ բաժնի գլխավոր մաքսային տեսուչի կողմից 15.11.2021 թվականին Գարեգին Սարկիսյանի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտման հատկանիշներով:

03.12.2021 թվականին ժամը 10:30-ին նշանակվել է մաքսային կանոնների խախտման գործի քննություն և վարչական պատասխանատվության ենթարկվող անձին՝ Գարեգին Սարկիսյանին տեղյակ պահելու համար ծանուցագիր է ուղարկվել նրա բնակության վայր: 25.11.2021թ-ի դրությամբ Գարեգին Սարկիսյանը գտնվում է Հայաստանի Հանրապետության սահմաններից դուրս, նրա կողմից չի հարուցվել միջնորդություն, գործը քննվել է Գարեգին Սարկիսյանի բացակայությամբ, որի ժամանակ գործի վարույթը բացառող հանգամանքներ չեն արձանագրվել:

ԵՏՄ մաքսային օրենսգրքի 264-րդ հոդվածի 5-րդ կետի համաձայն՝ ժամանակավոր ներմուծված անձնական օգտագործման տրանսպորտային միջոցները, մինչև այն ժամկետի լրանալը, որի ընթացքում այդ տրանսպորտային միջոցները կարող են ժամանակավոր գտնվել Միության մաքսային տարածքում, Միության մաքսային տարածքից արտահանման, ազատ շրջանառության համար բացթողման կամ սույն հոդվածին համապատասխան այլ նպատակներով ենթակա են մաքսային հայտարարագրման:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 199-րդ հոդվածի 1-ին մասի համաձայն՝ հետագա արտահանման պարտավորությամբ Հայաստանի Հանրապետություն ներմուծված ապրանքները և տրանսպորտային միջոցները սահմանված ժամկետում չարտահանելը կամ հետագա ներմուծման պարտավորությամբ արտահանված ապրանքները և տրանսպորտային միջոցները սահմանված ժամկետում Հայաստանի Հանրապետություն չներմուծելը՝ առաջացնում է տուգանքի նշանակում՝ խախտման օրվա դրությամբ այդ ապրանքների և տրանսպորտային միջոցների համար «ներմուծում՝ ազատ շրջանառության համար» մաքսային ռեժիմով նախատեսված մաքսային վճարների մեծության 50 տոկոսի չափով, բայց ոչ պակաս, քան 50 հազար դրամ:

Գարեգին Սարկիսյանի անվամբ թիվ 05100010/250719/0000451949 մաքսային մուտքի օրդերով Հայաստանի Հանրապետություն ներմուծված 2005թ-ի արտադրության «ԲՄՎ X5» մակնիշի ավտոմեքենան սահմանված ժամկետում չարտահանելու արդյունքում խախտման՝ 01.10.2021թ-ի օրվա դրությամբ «ներմուծում՝ ազատ շրջանառության համար» մաքսային ռեժիմով նախատեսված մաքսային վճարների մեծության չափը՝ 14.080.664 ՀՀ դրամ է:

Այսպիսով վարույթի նյութերով հիմնավորվում է, որ Գարեգին Սարկիսյանը թիվ 05100010/250719/0000451949 մաքսային մուտքի օրդերով մինչև՝ 30.09.2021թ-ը, ժամանակավոր ներմուծում հայտարարագրված 2005թ-ի արտադրության «ԲՄՎ X5» մակնիշի ավտոմեքենան սահմանված ժամկետում չի արտահանել, այսինքն թույլ է տվել ՀՀ մաքսային օրենսգրքի 199-րդ հոդվածի 1 կետով նախատեսված մաքսային կանոնների խախտում:

Ելնելով վերոգրյալից և ղեկավարվելով ՀՀ մաքսային օրենսգրքի 199-րդ հոդվածի 1 կետով, 218-րդ հոդվածի 1 կետով, 221-րդ հոդվածի 1 կետի ա) ենթակետով և ՎԻՎ ՀՀ օրենսգրքի 234 հոդվածով՝

Ո Ր Ո Շ Ե Ց Ի

1. Գարեգին Սարկիսյանին ենթարկել պատասխանատվության մաքսային կանոնների խախտման համար՝ խախտման օրվա 01.10.2021թ-ի դրությամբ 2005թ-ի արտադրության «ԲՄՎ X5» մակնիշի ավտոմեքենայի համար «ներմուծում՝ ազատ շրջանառության համար» մաքսային ռեժիմով նախատեսված մաքսային վճարների մեծության 50 տոկոսի չափով՝ **7,040,332 ՀՀ դրամ**:
2. Որոշման մասին իրազեկել Գարեգին Սարկիսյանին՝ պարզաբանելով, որ ՀՀ մաքսային օրենսգրքի 221-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն նույն օրենսգրքի 222-րդ հոդվածի 2-րդ մասի՝ որոշումը կարող է բողոքարկվել վերադաս մաքսային մարմին (պաշտոնատար անձին) կայացնելուց հետո 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:
3. Որոշմամբ նշանակված տուգանքի վճարման հաշվեհամարն է 900005024055-ը (ՀՀ պետական բյուջե, կենտրոնական գանձապետարան, Արարատյան մաքսատուն-վարչություն, ԿՈԴ 27):

**ԱՐԱՐԱՏՅԱՆ ՄԱՔՍԱՏՈՒՆ-
ՎԱՐՉՈՒԹՅԱՆ ՊԵՏ**



ԿԱՐԵՆ ԲԱԲԱՅԱՆ